

欽定大清會典事例

欽定大清會典事例卷一千一百七十七

內務府

祀典

先殿

奉先殿建置

大祭

奉

奉先殿建置。○順治十三年。

諭禮部。朕考往代典制。歲時致饗。必於太廟。至於晨昏。謁見。朔望薦新。節序告虔。聖誕忌辰。行禮。皆另建有奉先殿。今制度未備。孝思莫伸。朕心歉然。爾等即查明舊典具奏。欽此。遵

旨議定。

景運門之東北。恭建

奉先殿西曰

誠肅門。正曰

奉先門。

前殿

後殿均九間。南嚮。如

太廟寢制。中為堂。以聯前後。繚以周垣。左列

神庫。前列

神廚。○十七年。改建

奉先殿。

諭工部。

奉先殿饗祀

九廟。稽考往制。應除東西夾室行廊。中建啟殿九間。斯合制度。前興工時。該衙門未加詳察。連兩夾室止共造九間。殊為不合。今宜於夾室行廊外。中仍通為啟殿九間。以合舊制。爾部即會同宣徽院詳議。並選擇興工日期具奏。○康熙十八年。恭修

奉先殿暫奉

列聖

列后神牌。奉安於

太廟中殿各寢室。

仁孝皇后

孝昭皇后神牌並寶座仍奉

奉先殿東旁一間用黃幄籠罩遮以步障自是暫報朔望時令祭饗每月令內務府官照常薦新有事則告○二十年恭修

奉先殿告成是日恭奉

神牌各官至

太廟於

神位前上香行一跪三叩禮恭奉

神牌安奉黃輿行一跪三叩禮校尉昇輿前列

御仗。

聖祖仁皇帝袞服立於

奉先殿誠肅門內之南。內大臣侍衛咸補服立於

誠肅門外。恭候

神牌輿至。跪候過輿。

神牌輿進至殿陛上北嚮止。引禮官恭導

聖祖仁皇帝隨入。內務府官引內大臣侍衛隨入於階

下兩翼序立。恭奉

仁孝皇后

孝昭皇后神牌官二人。恭奉

神牌。拱立於左側。

聖祖仁皇帝詣

太祖高皇帝黃輿前行一跪三拜禮。恭奉

太祖高皇帝神牌。奉請各官隨後行禮畢。各恭奉

神牌入

奉先殿。以次奉安於各

寶座。畢行一跪三拜禮。奉請各官隨後行禮畢。退執事

官徹黃輿

聖祖仁皇帝就拜位。行大饗禮如儀。內大臣侍衛內務

府官均隨行禮。禮成。恭奉

神牌還御

後殿各寢室。○乾隆元年

諭國家式崇

太廟。妥侑

列祖神靈。歲時祇薦。明禋典禮。允宜隆備。今

廟貌崇嚴。而軒楹棖桷。久未增飾。理應敬謹相視。慎重  
繕修。以昭黜陟示新之敬。著該部會同內務府詳議  
具奏。欽此。遵

旨議定。先行繕修

奉先殿。應擇吉恭請

列聖

列后神牌於黃輿暫奉安於

太廟中殿寢室自興工以至告成

奉先殿朔望暫停祭饗每月薦新掌儀司官詣

太廟薦獻遇時饗仍請

太廟神牌至

前殿照常行禮俟工竣恭請

神牌還御

奉先殿再

奉先殿既繕修增飾其

後殿寢室神龕內一應陳設器物亦應修飾維新帷幔衾枕等物均照舊式故謹製造祇告

奉先殿事宜由內務府奏辦祇告

太廟並祭

后土

司工由禮部太常寺奏辦祝文均由翰林院撰擬  
○又奏准

奉先殿興工吉期遣官祇告畢饗儀衛豫設黃輿五於奉先殿前殿丹陛上均南嚮序列屆時內務府總管率

屬詣

後殿上香。一跪三叩。各恭奉。

列聖

列后神牌至

前殿丹陛上。謹奉安於黃輿內。一跪三叩。退校尉昇輿。

輿前各列

御仗一對。禮部太常寺官各二人前導。內務府堂屬執事各官均隨行。由

奉先門

協和門

午門

端門各中門出。至

太廟。由中門入。至丹陛上。北嚮序列。內務府官各詣  
神牌與前。一跪三叩。恭奉

神牌至

太廟中殿寢室內。依次奉安於

太廟各

神牌後。上香。一跪三叩。退。○二年奏准。修理

奉先殿。照康熙十八年改建

奉先殿例。前一日。遣官祇告

天

地

太廟

奉先殿

社

稷安礮石。豎柱上梁插劍。均遣官致祭。

司工之神。○又奏准修理。

奉先殿迎吻。照康熙十八年改建。

奉先殿例。遣官各一人致祭。

琉璃窰之神。豎經由之正陽門。

大清門

午門

奉先門之神。其迎吻時。吻上應用裏金銀花二對。大紅緞二方。龍旗。

御仗各二。和聲著作樂前引。承祭官及太常寺堂官執事官。並在工各官。均簪花披紅行禮。祝文由翰林院撰擬。承祭官由太常寺奏遣。金花銀花等物。由工部製造。緞絹等物。由戶部移取。

又

諭。目今因修理

奉先殿。恭請

列聖

列后神牌。暫安奉於

太廟中殿。今八月初九日

太宗文皇帝忌辰。十一日

太祖高皇帝忌辰。此二日。朕欲親詣

太廟中殿。上香行禮。著總理事務王大臣會同禮部詳

考禮儀具奏。欽此。遵

旨。議准。

列聖

列后忌辰。

親詣

奉先殿行禮。咸用素服。四時祭饗及祇告。

太廟。

親詣行禮。咸用禮服。並無素服入廟之制。此次忌辰。應

請遣官行禮。○又奏准繕修

奉先殿懸扁額。合龍門。照例遣官一人祭

司工之神。承祭官暨太常寺堂官。在工執事各官。

均照例簪花披紅。一切事宜。與迎吻禮同。○又

奏准

聖駕謁

陵行禮。

啟鑿日。及

回鑿次日。應祇告。

奉先殿。現因繕修。

奉先殿。

列聖。

列后神牌皆安奉。

太廟中殿。應祇告於

太廟中殿。奉

旨前一日親詣行禮。欽此。是日奏請。照祇告。

奉先殿例。不設鹵簿。王公文武有頂戴官員以上。咸朝

服在

午門外跪候送迎。○又奏准繕修

奉先殿工竣祇告

天

地

太廟

社

稷並致祭

后土

司工之神。與興工禮同。○又奏准。

奉先殿工竣。

奉先殿

列聖

列后神牌。應由

太廟中殿恭請

還御

奉先殿。

親詣致祭。先期開列王貝勒貝子等。奏請

欽點十四人。恭奉

神牌。○三年重修

奉先殿告成。是日恭奉

神牌各官至

太廟於各

神位前上香。行一跪三叩禮。恭奉

神牌安奉黃輿內。行一跪三叩禮。校尉昇輿前列

御仗導引。

高宗純皇帝宸服立俟於

奉先殿誠肅門之西。和碩親王以下。內大臣侍衛暨內

務府各官。咸補服立於

誠肅門外之南。西面恭候。

神牌黃輿至。

誠肅門外。

高宗純皇帝跪。衆皆隨跪候。

神牌輿過。輿贊引官恭導。

高宗純皇帝隨後行。衆皆隨行。

神牌輿至。

奉先門內殿。陞上北嚮止。贊引官恭導。

高宗純皇帝詣。

太祖高皇帝黃輿前立。奉請。

神牌王等各隨至

神牌與前引禮官引內大臣侍衛及內務府官由

誠肅門

奉先門兩旁門入至階下按翼東西面序立

高宗純皇帝行一跪三拜禮奉請

神牌王等在後隨行禮

高宗純皇帝恭奉

太祖高皇帝神牌奉請

神牌王等各恭奉

神牌隨

高宗純皇帝以次進殿。奉安於各

寶座。行一跪三拜禮。王等均隨行禮。

高宗純皇帝就拜位立。王等各退出於殿陞上。按翼北面序立。內大臣以下各官均北面立。行大饗禮。如儀奉。

神牌王等暨內大臣以下。均隨行禮。禮成。恭導。

高宗純皇帝由殿左門出。立檐下東旁。西嚮。引禮官引。

陪祀王公大臣官員兩旁序立。樂闌。恭導。

高宗純皇帝入殿。詣

太祖高皇帝神位前。行一跪三拜禮。恭奉。

太祖高皇帝神牌奉

神牌王等各詣

神位前隨行一跪三叩禮各恭奉

神牌以次隨行。

還御於

後殿各寢室。

高宗純皇帝退至

寢室門外。上香。行一跪三拜禮。王等隨後行禮畢。恭導

高宗純皇帝由

後殿左門出。由殿東出。

奉先左門至

誠肅門外

升輿還宮。○道光元年奏准修理

奉先殿後殿龕座。故謹相度。

後殿七楹外。東西各有夾室。以備祭期陳設供器。自

太祖至

仁宗七龕供奉七楹。每楹規制宏敞。

神龕之外。各有餘地。敬擬中楹列龕。惟三供奉

太祖

太宗

世祖東次楹列龕惟二供奉

聖祖

高宗西次楹列龕惟二供奉

世宗

仁宗每龕左右間以界牆昭穆仍依舊制其餘四楹分而為八所有內外各龕及供案寶椅等件修飾各如儀

大饗

奉先殿○恭遇

皇帝萬壽元旦冬至及

國有大慶。

皇帝親饗。

奉先殿前期三日。

皇帝齋。執事各官咸致齋。前一日。內務府掌儀司官

進祝版。

祝文隨於  
事撰於

神庫。割牲瘞毛血。潔治祭品。各如儀。屆日。昧爽。內

監啟。

寢室神龕。執事官公服入殿。然炬明鐙。具登劍簋。簋蓮

豆之實。陳於案。各以其序。殿中少西北嚮。設祝

案。東西序各設尊案。分陳香盤。奉先制帛。尊爵

筐筭勺具均如

太廟時饗儀司祝司香

以內各府官充

司帛司爵

以待衛充

各以其

職為位樂部率太常寺協律郎陳中和韶樂於殿階上分東西懸樂舞在其次司祝詣

神庫祝案前跪三叩恭奉祝版興贊禮郎二人引由

奉先門中門入殿中門跪安於祝案三叩興退內務府官省菜畢分詣

後殿寢室前跪上香三叩興恭奉

列聖

列后神牌以次行。內監執燈左右導引。至前殿入中門。以次奉安於

寶座。

列聖

列后位。均南嚮。奉安畢。詣各香案前。跪叩如初儀。司拜

禱官豫布

皇帝拜禱於殿門內正中。及各

神位前。內監設盥盤於

奉先門左階下。屆時。掌儀司官詣

乾清門奏時。侍衛轉奏。

皇帝御袞服。乘輿出宮。前引後扈如常儀。出

景運門。至

誠肅門。降輿。贊引對引太常寺卿二人。恭導

皇帝入

奉先左門。內監跪奉盥盤。悅巾如儀。

皇帝盥畢。贊引對引恭導

皇帝升左階。入殿左門。詣拜位前北嚮立。豹尾班侍

衛止立階下。前引大臣止立階上。均東西面。後

扈大臣隨入。僉立於

皇帝拜位後左右。典儀贊樂舞生登歌。執事官各供

乃職武舞執干戚進贊引奏就位

皇帝就位立典儀贊迎

神司香奉香以次進至各案前祇候司樂贊舉迎

神樂奏貽平之章樂作贊引奏詣香案前暨對引官恭

導

皇帝詣

太祖高皇帝香案前對引官至祝案前止立司香跪贊

引奏跪

皇帝跪奏上香司香進香

皇帝上炷香三上辨香興以次詣

列聖案前。上香如前儀。畢。贊引奏復位。暨對引官恭導  
皇帝復位立。贊引奏跪拜興。

皇帝行三跪九拜禮。興樂止。典儀贊奠帛爵。行初獻  
禮。司樂贊舉初獻樂。奏收平之章。樂作。舞千戚  
之舞。有司揭尊罍。勺挹酒實爵。司帛司爵以次  
進。至各

神位前。司帛跪獻篚。奠於案。三叩興。司爵立獻爵。奠於  
墊中。各退。樂暫止。司祝詣祝案前跪。三叩興。奉  
祝版跪案左。贊引奏跪。

皇帝跪贊讀祝。司祝讀祝畢。興奉祝版跪安。

神位前篚內。叩如初。退樂作。贊引奏拜興。

皇帝三拜興。樂止。武功之舞退。文舞執羽籥進。典儀贊行亞獻禮。司樂贊舉亞獻樂。奏數平之章。樂作。舞羽籥之舞。司爵詣各

神位前獻爵於左。如初獻儀。樂止。典儀贊行終獻禮。司樂贊舉終獻樂。奏紹平之章。樂作。司爵詣各

神位前獻爵於右。如亞獻儀。樂止。文德之舞退。典儀贊徹饌。司樂贊舉徹饌樂。奏光平之章。樂作。徹畢。樂止。贊禮郎一人趨至。

神位前北面跪。奏禮畢。請

還寢室。三叩退。司樂贊舉還宮樂。奏又平之章。樂作。贊引奏跪拜興。

皇帝行三跪九拜禮畢。樂止。典儀贊奉祝帛送燎。司祝司帛咸詣

神位前跪。三叩奉祝帛興。司香跪奉香興。以次恭送燎所。

皇帝轉立拜位東旁西面。司拜禱官徹拜禱。俟祝帛過。仍布拜禱。

皇帝復位立。贊引奏禮成。暨對引官恭導。

皇帝出殿左門降階。由

奉先左門出。至

誠肅門外。

升輿還宮。導從如前儀。內務府官恭奉。

列聖

列后神位還寢室。上香行禮。與迎。

神同。所司徹祭器。內監闔門。各退。若遣官恭代。遣官朝服。掌儀司贊禮郎導引贊儀。遣官入。

奉先門西旁門。升西階。就殿外拜位。行禮。由殿西門入。上香。禮畢。出殿西門。復位。其迎。

神獻帛。爵讀祝樂舞諸儀。均與。

親饗同。惟祝帛送燎所時。遣官避立西旁。祭畢由西階下出。祭之日。恭奉。

神牌各官至

後殿奉

列聖神牌官各於

寢室外上香。及奉

列后神牌官均行一跪三叩禮。各就

寢室。恭奉

帝位官升陞至

神龕。先奉

后位恭授奉

后位官。立於龕下西旁。方奉

帝位降陞。

帝位前行。

后位隨行。如三位五位。均依末位先奉起。恭授奉

后位各官。立於龕下兩旁。方奉

帝位。以次出

後殿內監二人。執羊角引銮恭導至

前殿。先奉安

正中位。以次奉安

左右位於各

寶座。一跪三叩退。禮成後。各官仍各就

神位前。一跪三叩。先從右末位奉起。以次恭奉至  
寢室奉。

帝位官升陞。至

神龕。先奉安

帝位。次奉

后位。官奉

后位。恭授奉

帝位。官奉安。三位五位均。以次奉安。畢。各退。至

寢室外。照前上香行禮。○原定。

前殿大祭。

後殿告祭。恭進祝版。俱於五日前請

旨。若

皇帝親閱祝版。祭前一日。恭設黃案於

乾清門正中。祝版內敬填

御名。裏以黃綾。飛金畫龍包袱。設於案。然炬明鐙。贊

禮郎一人。進至案前。行一跪三叩禮。恭奉祝版。

前引官四人。導進

景運門中門。由

乾清門中階升。至黃案前陳設畢。行一跪三叩禮。  
故展龍袂奏請

皇帝閱祝版畢。行一跪三叩禮。旁立奉祝版官進。仍  
前敬謹包裹畢。恭設案上。

皇帝還宮。奉祝版官行一跪三叩禮。恭奉祝版前引  
官導至

神庫內。設於案。行一跪三叩禮。若不

親閱祝版。奉祝版官行禮。○順治十四年定。元旦。冬  
至。歲除。

皇太后聖壽。

萬壽聖節。

冊封吉日。及每月朔望。奉請

神位於

前殿。設蓬豆。讀祝。奏樂。祭饗。行禮。○又奏准。凡大饗。奉先殿。

皇帝親詣行禮。內務府官贊禮。作樂。其供獻禮儀。與太廟大饗同。○又奏准。恭奉

神位。官於內務府屬郎中。員外郎內。按

神位。各奏簡一人。備一人。○又

諭。

奉先殿恭祭

太祖

太宗。未經合祭

四祖。朕之孝思。猶為未盡。嗣後遇元旦。

皇太后聖壽。及朕誕辰。恭請

太廟後殿

四祖

四后神位於

奉先殿。與

列聖

列后合祭。○又定凡大祭日如遇

皇帝親詣

壇

廟遣內大臣一人行禮。○十七年定元旦

萬壽聖節恭迎

太廟

四祖神位至

奉先殿前殿合祭。前一日遣大臣於

後殿告祭。○康熙十三年奏准凡遇元旦

太皇太后聖壽。

皇太后聖壽。

萬壽聖節恭請

太廟後殿

四祖

四后神位於

奉先殿前殿合祭。每月朔望冬至及

冊封等日。大饗如前。○十五年奏准。

冊封等日。停止大饗。遣官於

後殿祇告。○又奏准。

奉先殿大饗祇告。如遇

躬祀

壇

廟之日。俟祀

壇

廟禮成。然後行禮。○二十五年

諭祭

奉先殿。照常奏閔祝版。不必請旨。○三十八年奉  
旨。元旦。百官齊集人多。奉請

神牌往返。朕心未安。著大學士內務府禮部太常寺會  
議具奏。欽此。遵

旨議定。

四祖神牌安奉

太廟後殿每歲時饗

後殿遣官行禮歲除大禘於

太廟元旦又奉請

神牌合祭於

奉先殿似屬重複請嗣後元旦

皇太后聖壽

萬壽聖節停止奉請

後殿

四祖神位合祭於

奉先殿。即於

太廟後殿遣官一如

奉先殿儀。列邊豆。讀祝。奠帛。獻爵。行禮。○雍正六年奉  
旨。嗣後恭奉

神牌。慎刑司官不必簡用。○十年議准

奉先殿大祭。及祇告遣官。暨奉

神牌執事各官。均豫期於各該衙門。敬謹齋戒。○十三

年奉

旨。祭

奉先殿遵

太廟四孟時饗之禮。增上香儀。○是年十月奉

旨。嗣後朕親詣

奉先殿行禮。令太常寺官贊禮執事。○乾隆六十年奉  
旨。皇太子恭祭

奉先殿。拜位應設於殿門檻外階上。○嘉慶五年

諭。上年九月

皇考高宗純皇帝升祔後。朕於孟冬時饗。歲暮禘祭。恭

詣

太廟行禮而

奉先殿尚未經特祭恭讀

皇考御製詩集註內詳載乾隆戊戌年因

孝聖憲皇后升祔後未經

親詣

奉先殿特於是年孟秋之朔

親詣致祭而孟秋時饗

太廟循例遣王恭代朕思中元為祭祀之辰朕本擬恭

詣

裕陵致祭因查乾隆二年

皇考曾經降旨以秋令正值禾黍暢茂恐致扈從人馬

踐踏。是以未經前詣。

泰陵。朕自當敬守。

前護。不敢過禮。至。

奉先殿致祭。則有。

皇考成例。所當效法。遵行。今朕特於中元恭詣。

奉先殿前殿。讀祝致祭。以申誠敬。所有應行典禮。著各。

該衙門照例敬謹豫備。俟祭畢。再恭詣。

壽皇殿拈香行禮。其孟秋時饗。

太廟。仍照例遣王恭代。○道光二年。

諭。上年三月。

皇考仁宗睿皇帝升祔後。朕於孟秋孟冬時饗。歲暮禘  
祭。恭詣

太廟行禮。而

奉先殿未經特祭。恭查嘉慶四年

皇祖高宗純皇帝升祔後。

皇考特於次年中元親詣

奉先殿致祭行禮。今朕自當敬法

前蹟。用申誠悃。謹於四月初一日恭詣

奉先殿前殿讀祝致祭。所有應行典禮。著各該衙門照

例敬謹豫備。其孟夏時饗

太廟仍照例遣王恭代。○咸豐二年

諭本年三月

皇考宣宗成皇帝升祔禮成。朕釋服後。於本月十六日

恭詣

太廟行祫祭禮。

奉先殿亦應敬舉特祭之典。恭查從前

皇祖仁宗睿皇帝升祔後。

皇考復親詣

奉先殿致祭行禮。朕敬法

前護。用申誠悃。謹於五月初一日。恭詣

奉先殿前殿讀祝致祭。所有應行典禮。著各該衙門照  
例敬謹豫備。○同治十二年

諭。上年自冬至後。朕恭遇

壇

廟大祀。敬謹親詣行禮。而

奉先殿未經特祭。恭查咸豐二年

皇考文宗顯皇帝親詣

奉先殿致祭行禮。朕親政後。自當敬法

前護。用申誠悃。謹於三月初一日。恭詣

奉先殿前殿讀祝致祭。所有應行典禮。著各該衙門照

例敬謹豫備。○光緒十三年  
諭。上年自冬至後。朕恭遇

壇

廟大祀。敬謹親詣行禮。而

奉先殿。未經特祭。恭查咸豐二年

皇考文宗顯皇帝同治十二年

穆宗毅皇帝均

親詣

奉先殿致祭行禮。朕親政後。自當敬法

前謨。用申誠悃。謹於三月初一日。恭詣

奉先殿前殿讀祝致祭。所有應行典禮。著各該衙門照  
例敬謹豫備。

欽定大清會典事例卷一千一百七十八

內務府

祀典

升祔

奉先殿

升祔

奉先殿○順治十四年建

奉先殿奉安前期內務府官豫於

奉先殿設龍鳳寶座各一於殿中南嚮設龍鳳寶座各

一於左一間東位西嚮設朝鐙香几鑪各十有

二寶座前均設蓮豆案前設香帛案兩序設尊

爵帛篚案中一間左旁設祝案設

世祖章皇帝拜位於闕內正中。奉安之日黎明。內務府掌儀司官率所屬陳祝帛。登劍簋。簋籩豆於各案。點香燭。內務府各執事官暨太常寺贊禮官樂舞生等。各共執事。內大臣侍衛內務府官咸朝服於

誠肅門外兩旁序立。

世祖章皇帝御禮服。乘輿出宮。至恭造

神牌處降輿詣

太祖高皇帝神位前行一跪三拜禮。恭奉

神牌內務府官在後隨行禮。執事官設黃輿二。一於門

外正中。一於左。均南嚮。

世祖章皇帝恭奉

太祖高皇帝神牌。恭奉

神牌。官各恭奉

神牌。奉安黃輿內。

世祖章皇帝於

神輿前行一跪。王拜禮。奉請各官隨後行禮畢。內務府

官昇

神輿由中門出。詣

奉先殿。

世祖章皇帝隨出升輿隨行。內大臣等皆跪候  
神輿過。隨行至。

誠肅門。

世祖章皇帝降輿隨入。內大臣等咸隨入。至  
奉先殿前階下。分班兩翼序立。

神輿由

奉先門中門入。至殿陛上北嚮止。贊引官二人恭導

世祖章皇帝詣

神輿前行一跪三拜禮。恭奉

神牌各官隨後行禮畢。各恭奉

神牌。以次升。

奉先殿。奉安於各

寶座正中。奉安。

太祖高皇帝神牌於左。

孝慈高皇后神牌於右。南嚮。左一間。奉安。

太宗文皇帝神牌。次。

孝端文皇后神牌。東位。西嚮。

世祖章皇帝行一跪三拜禮。奉請各官隨後行禮。退。執

事官徹黃輿。

世祖章皇帝詣拜位前立。掌儀司官引內大臣侍衛內

務府各官於階下。咸東西上。北面立。乃行大饗禮。凡贊禮作樂。莫不獻爵。一如

太廟時饗儀。惟不設牲牢。不行飲福受胙禮。禮成。贊引官恭導。

世祖章皇帝由殿左門出。立檐下東旁。西嚮。內大臣等於兩旁序立。樂闌。恭導。

世祖章皇帝入殿內。於

太祖高皇帝神位前行一跪三拜禮。恭奉

太祖高皇帝神牌。奉請各官隨後行禮畢。各恭奉

神牌。以次升入。

後殿奉安

太祖高皇帝神牌於中一室神龕內居左。

孝慈高皇后神牌居右。奉安。

太宗文皇帝神牌於東一室神龕內居左。

孝端文皇后神牌居右。均南嚮。奉安畢。

世祖章皇帝退至

寢室門外。上香行一跪三拜禮。奉請各官隨後行禮。贊

引官恭導

世祖章皇帝由

後殿左門出。由殿東出

奉先門左門至

誠肅門外。

升輿還宮。○十八年十一月。恭奉

世祖章皇帝神牌。升祔

奉先殿。豫期祇告。至日。恭奉

列聖

列后神牌於

前殿。奉安

世祖章皇帝神牌於右一間。西位。東嚮。讀祝奏樂行大

饗禮如儀。禮成。

聖祖仁皇帝恭奉

世祖章皇帝神牌。奉安於

後殿西一室神龕內。南嚮。○康熙六年。恭奉

孝康章皇后神牌升祔

奉先殿。豫期祇告。至日。恭奉

列聖

列后神牌於

前殿。奉安

孝康章皇后神牌於右一間

世祖章皇帝神位之次。行大饗禮如儀。禮成。

聖祖仁皇帝恭奉

孝康章皇后神牌。奉安於

後殿西一室神龕內。

世祖章皇帝神位之右。南嚮。○十四年。恭奉

仁孝皇后神牌。

謹案定

仁孝皇后於雍正元年恭奉

祔饗

奉先殿。豫期。

聖祖仁皇帝親詣

後殿祇告。至日。奉

太祖高皇帝

孝慈高皇后神牌於

奉先殿正中。

太宗文皇帝

孝端文皇后神牌於左一開。

世祖章皇帝

孝康章皇后神牌於右一開。均南嚮。奉

仁孝皇后神牌於左二開。東旁西嚮。遣內大臣行大饗

禮如儀。禮成。

仁孝皇后神牌。奉安於

後殿左二室神龕內。南嚮。○十八年。恭奉

孝昭皇后神牌。祔饗。

奉先殿前期。

聖祖仁皇帝親詣。

後殿祇告。至日。遣官行禮。一如。

仁孝皇后祔饗儀設。

孝昭皇后神牌於。

仁孝皇后之次。東旁西嚮。禮成。

孝昭皇后神牌。奉安於。

後殿左二室神龕內。

仁孝皇后神位之右。南嚮。○二十七年。恭奉。

孝莊文皇后神牌。升祔  
奉先殿。至日。恭奉

列聖

列后神牌於

前殿。遣大臣二人恭奉

世祖章皇帝

孝康章皇后神牌。東嚮側立。大臣二人恭奉

仁孝皇后

孝昭皇后神牌。稍下西嚮側立。

聖祖仁皇帝恭奉

孝莊文皇后神牌入

奉先殿。奉安於左一間。

孝端文皇后神位之次。南嚮。次奉

世祖章皇帝。

孝康章皇后神牌。大臣二人奉安。

神位於寶座。奉

仁孝皇后。

孝昭皇后神牌。大臣二人奉安。

神牌於拜席。退立。贊禮官跪奏。祇見。

孝莊文皇后。大臣二人行三跪九拜禮畢。跪奉。

神牌興。奉安於

寶座。

聖祖仁皇帝詣拜位。行大饗禮如儀。禮成。恭奉  
孝莊文皇后神牌奉安於

後殿東一室神龕內

太宗文皇帝神位之右。南嚮。○二十八年。恭奉  
孝懿皇后神牌。祔饗

奉先殿。一如

仁孝皇后祔饗儀。設

孝懿皇后神牌於

孝昭皇后神位之次。東旁西嚮。禮成。

孝懿皇后神牌。奉安於

後殿左二室神龕內。

仁孝皇后居中。

孝昭皇后居左。

孝懿皇后居右。均南嚮。○五十七年恭奉

孝惠章皇后神牌。升祔

奉先殿時。

聖祖仁皇帝聖體違和。遣

皇子行禮。一如

孝康章皇后升祔儀奉安

神牌於

世祖章皇帝神位之次。

孝康章皇后神位之上。南嚮。禮成。

孝惠章皇后神牌奉安於

後殿右一室神龕內。

世祖章皇帝居中。

孝惠章皇后居左。

孝康章皇后居右。均南嚮。○雍正元年恭奉

聖祖仁皇帝

孝恭仁皇后神牌。升祔。

奉先殿。豫期祇告。至日。恭奉。

列聖。

列后神牌於。

前殿。設。

聖祖仁皇帝。

孝誠仁皇后。

孝昭仁皇后。

孝懿仁皇后。

孝恭仁皇后神位於東二間。均南嚮。

世宗憲皇帝恭奉

聖祖仁皇帝神牌。

命親王四人恭奉

孝誠仁皇后

孝昭仁皇后

孝懿仁皇后

孝恭仁皇后神牌。升入

奉先殿。奉安

聖祖仁皇帝神牌於東二間第一

寶座。南嚮。奉

神牌王等各跪安

神牌於拜席北嚮。退立兩旁。贊禮官跪奏。祇見

聖祖仁皇帝。

世宗憲皇帝於

神牌後。恭代行三跪九拜禮。興。恭奉

神牌王等。就拜席跪。各恭奉

神牌。以次奉安於

聖祖仁皇帝神位之次。奉

神牌王等。退出殿外階上。內大臣侍衛。內務府官於階

下隨行禮。

世宗憲皇帝詣拜位。行大饗禮如儀。禮成。恭奉

列聖

列后神牌還御

後殿。

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后神牌。奉安於

後殿東二室神龕內。

聖祖仁皇帝居中。

孝誠仁皇后居左。

孝昭仁皇后居右。

孝懿仁皇后於

孝誠仁皇后之左。

孝恭仁皇后於

孝昭仁皇后之右。均南嚮。○乾隆二年。恭奉

世宗憲皇帝

孝敬憲皇后神牌。升祔

奉先殿。豫期祇告。至日。恭奉

列聖

列后神牌於

前殿設

世宗憲皇帝

孝敬憲皇后神位於西二間均南嚮。

高宗純皇帝恭奉

世宗憲皇帝神牌。

命親王恭奉

孝敬憲皇后神牌升入

奉先殿奉安

世宗憲皇帝神牌於西二間第一

寶座。南嚮。奉

孝敬憲皇后神牌親玉跪安

孝敬憲皇后神牌於拜席北嚮。退立西旁。贊禮官跪奏

祇見

世宗憲皇帝。

高宗純皇帝於

神牌後恭代行三跪九拜禮興。就拜席跪奉

孝敬憲皇后神牌。奉安於

世宗憲皇帝神位之次。

高宗純皇帝詣拜位。行大饗禮如儀。禮成。恭奉  
列聖。

列后神牌還御。

後殿。

世宗憲皇帝

孝敬憲皇后神牌。奉安於

後殿西二室神龕內。

世宗憲皇帝居左。

孝敬憲皇后居右。均南嚮。○十七年。恭奉

孝賢皇后神牌。拊饗。

奉先殿。豫期。

高宗純皇帝親詣

後殿祇告。至日遣親王行禮。設

孝賢皇后神牌於左三間東旁西嚮。禮成奉安於

後殿左三室神龕內。南嚮。○四十二年。恭奉

孝聖憲皇后神牌。升祔

奉先殿。豫期祇告。至日。恭奉

列聖

列后神牌於

前殿。

孝賢皇后神牌不請御

前殿。

高宗純皇帝恭奉

孝聖憲皇后神牌。升入

奉先殿。奉安

孝敬憲皇后神位之次。南嚮。行一跪三拜禮。退。就拜位。

行大饗禮如儀。

諸皇子在殿外隨行禮。禮成。

高宗純皇帝還宮。奉

神牌各官恭奉

列聖

列后神牌。

皇子一人恭奉

孝聖憲皇后神牌。以次升入

後殿。又

皇子一人豫奉

孝賢皇后神牌出。至穿堂跪迎

孝聖憲皇后神牌。候過隨行。奉

神牌官奉安

世宗憲皇帝神牌於右二室神龕內正中。

孝敬憲皇后神牌於左。恭奉。

孝聖憲皇后神牌於右。二室中北嚮立。恭奉。

孝賢皇后神牌於東旁。西嚮側立。贊禮官跪奏。

孝聖憲皇后祇見。

世宗憲皇帝。

孝敬憲皇后。

皇子恭奉。

孝聖憲皇后神牌。跪安於拜席。代行三跪九拜禮。興。奉。

孝聖憲皇后神牌。奉安於。

世宗憲皇帝神牌之右。南嚮。行一跪三拜禮。退。贊禮官。

跪奏

孝賢皇后祇見

孝聖憲皇后。

皇子奉

孝賢皇后神牌跪安於拜席。代行三跪九拜禮興。奉

孝賢皇后神牌還御左三室。○六十年。恭奉

孝儀皇后神牌。祔饗

奉先殿。豫期祇告。至日。恭奉

列聖

列后

孝賢皇后神牌於

前殿。

仁宗睿皇帝恭奉

孝儀皇后神牌入

奉先殿。奉安於正中拜席。少退立。贊禮官跪奏祇見

列聖

列后

孝賢皇后。

仁宗睿皇帝代行三跪九拜禮畢。跪奉

孝儀皇后神牌興。奉安於

孝賢皇后之次。東旁西嚮。行一跪三拜禮。退。就拜位。致祭。如大饗儀。禮成。恭奉。

列聖

列后神牌還御

後殿。

孝儀皇后神牌。奉安於左三室神龕內。

孝賢皇后神牌之次。南嚮。○嘉慶四年。恭奉。

高宗純皇帝神牌。升祔。

奉先殿。豫期祇告。至日。恭奉。

列聖

列后神牌於

前殿設

高宗純皇帝

孝賢純皇后

孝儀純皇后神位於東三間均南嚮。

仁宗睿皇帝恭奉

高宗純皇帝神牌。

命親王二人恭奉

孝賢純皇后

孝儀純皇后神牌入

奉先殿東門奉安

高宗純皇帝神牌於東三間第一

寶座行一跪三拜禮退奉

神牌王等奉安

孝賢純皇后

孝儀純皇后神牌於拜席退贊禮官跪奏祇見

高宗純皇帝

仁宗睿皇帝於

神牌後代行三跪九拜禮畢奉

神牌王等恭奉

神牌以次奉安於

寶座。各行一跪三叩禮。退至殿外階上。祇俟隨班行禮。仁宗睿皇帝詣拜位。行大饗禮如儀。禮成。恭奉

列聖

列后神牌還御

後殿奉安

高宗純皇帝神牌於左。三室神龕內正中。

孝賢純皇后神牌居左。

孝儀純皇后神牌居右。均南嚮。○六年。恭奉

孝淑皇后神牌。附饗

奉先殿一如

孝賢純皇后祔饗儀設

孝淑皇后神牌於右三間西旁東嚮禮成奉安於後殿右三室神龕內南嚮。道光元年恭奉

仁宗睿皇帝

孝淑睿皇后神牌升祔

奉先殿豫期祇告至日恭奉

列聖

列后神牌於

前殿設

仁宗睿皇帝

孝淑睿皇后神位於西三間。均南嚮。行大饗禮如儀禮。

成恭奉

列聖

列后神牌還御

後殿。

仁宗睿皇帝

孝淑睿皇后神牌奉安於

後殿右三室神龕內。均南嚮。

謹案是年改修先殿後殿龕座。中室列龕

惟三。供奉

祖左一室列龕

惟二。供奉

太祖

聖祖

世

高宗。右一室列龕。惟二。供奉。  
仁宗。每龕左右間以界牆。昭穆仍依舊制。其  
餘四室。列為八龕。○是年。恭奉。

孝穆皇后神牌。祔饗。

奉先殿。豫期祇告。至日恭請。

列聖。

列后神牌於。

前殿。承祭王恭奉。

孝穆皇后神牌。入。

奉先殿。奉安於拜席。贊禮官跪奏。祇見。

列聖。

列后。遣官恭代行三跪九拜禮畢。設

孝穆皇后神牌於東次四間。東旁西嚮。致祭如大饗儀。  
禮成。奉安於

後殿左二室右龕內。南嚮。○二年

諭。前據太常寺奏。孝穆皇后升祔

奉先殿。前期告祭儀注。請御龍袍。龍褂。乘禮輿。經朕查

嘉慶年間記載。係用龍褂。藍袍。並未乘禮輿。當即傳

詢該堂官。據奏稱係比照道光元年三月二十八日

皇考仁宗睿皇帝升祔

奉先殿行禮儀注。實屬錯誤。該堂官職司典禮。具奏事

宜。自當敬謹確查舊例。卽例無明文。亦應先期奏明。候朕酌定。乃既不查案。又不請旨。妄行比擬。呈進儀注。大失敬謹之義。且嘉慶六年八月二十一日。

皇妣孝淑睿皇后升祔

奉先殿行禮儀注。具有成案。至今不過二十餘年。該衙門何以竟無從查檢。可見該堂官平日漫不經心。遇事又不認真考覈。事關告祭禮儀。非尋常舛錯可比。太常寺堂官。俱著交部嚴加議處。內務府大臣。隨同畫稿。未經覆查。亦屬疏略。俱交部察議。○十五年恭

奉

孝慎皇后神牌。祔饗。

奉先殿。豫期祇告。至日遣官行禮一如。

孝穆皇后祔饗儀。設。

孝慎皇后神牌於。

孝穆皇后神牌之次。致祭如大饗儀。禮成。

孝慎皇后神牌。奉安於。

後殿左二室右龕內居右。南嚮。○二十年。恭奉。

孝全皇后神牌。祔饗。

奉先殿。豫期祇告。至日。

皇子行禮。設。

孝全皇后神牌於東次四間。東旁西嚮。致祭如大饗儀。  
禮成奉安於

後殿左二室右龕內

孝穆皇后

孝慎皇后之次。南嚮。○咸豐二年。恭奉

宣宗成皇帝神牌。升祔

奉先殿。豫期祇告。至日。恭奉

列聖

列后神牌於

前殿設

宣宗成皇帝

孝穆成皇后

孝慎成皇后

孝全成皇后神位於東次四間。均南嚮。

文宗顯皇帝恭奉

宣宗成皇帝神牌。親王二人。郡王一人。恭奉

孝穆成皇后

孝慎成皇后

孝全成皇后神牌。入

奉先殿。代行祇見

列聖

列后禮奉安

宣宗成皇帝神牌於

寶座奉

神牌王等跪安

神牌於拜褥退贊禮官跪奏祇見

宣宗成皇帝。

文宗顯皇帝於

神牌後代行三跪九拜禮畢奉

神牌王等各恭奉

神牌以次奉安於

寶座。

文宗顯皇帝詣拜位行大饗禮如儀禮成恭奉

列聖

列后神牌還御

後殿親王二人郡王二人恭奉

宣宗成皇帝

孝穆成皇后

孝慎成皇后

孝全成皇后神牌奉安於

後殿左二室右龕內。

宣宗成皇帝居左。

孝穆成皇后居右。

孝慎成皇后居左次。

孝全成皇后居右次。均南嚮。○三年。恭奉

孝和睿皇后神牌升祔

奉先殿。豫期祇告。至日。恭奉

列聖

列后神牌於

前殿。親王四人。恭奉

宣宗成皇帝

孝穆成皇后

孝慎成皇后

孝全成皇后神牌。西嚮側立。

文宗顯皇帝代行祇見禮畢。恭奉

孝和睿皇后神牌。入

奉先殿。行大饗禮如儀。禮成。恭奉

列聖

列后神牌還御

後殿。

孝和睿皇后神牌奉安於

後殿右一室右龕內居右南嚮。○是年恭奉

孝德皇后神牌。祔饗

奉先殿。豫期祇告。至日。

文宗顯皇帝遣官行禮。設

孝德皇后神牌於西次四間。西旁東嚮。致祭如大饗儀。

禮成。

孝德皇后神牌奉安於

後殿右二室左龕內南嚮。○五年恭奉

孝靜成皇后神牌。升祔

奉先殿。豫期祇告。至日恭奉

列聖

列后神牌於

前殿。

孝德皇后神牌不請御

前殿奉

神牌王恭奉

孝靜成皇后神牌入

奉先殿左門。跪安於拜席。贊禮官跪奏祇見

列聖

列后奉

神牌王恭代行三跪九拜禮畢奉安

孝靜成皇后神牌於

寶座行一跪三叩禮退

文宗顯皇帝詣拜位行大饗禮如儀禮成恭奉

列聖

列后神牌還御

後殿奉安

宣宗成皇帝神牌於左二室右龕內正中

孝穆成皇后神牌居左

孝慎成皇后神牌居右。

孝全成皇后神牌居左次奉

神牌王恭奉

孝靜成皇后神牌升入

後殿。王一人豫奉

孝德皇后神牌出。至穿堂跪迎。候過隨入。東旁西嚮立。

奉

神牌王奉安

孝靜成皇后神牌於

孝慎成皇后之右。南嚮。行一跪三叩禮。退。王一人跪奉

孝德皇后神牌於拜席。恭代行三跪九拜禮畢。奉孝德皇后神牌還御右二室。○同治元年。恭奉

文宗顯皇帝

孝德顯皇后神牌。升祔

奉先殿。豫期祇告。至日。恭奉

列聖

列后神牌於

前殿。設

文宗顯皇帝

孝德顯皇后神位於西次四間。均南嚮。承祭王恭奉

文宗顯皇帝神牌。親王一人恭奉。

孝德顯皇后神牌。八

奉先殿右門。各奉安於拜席。贊禮官跪奏。祇見

列聖。

列后。承祭王恭代行三跪九拜禮畢。奉安。

文宗顯皇帝。

孝德顯皇后神牌於

寶座。各行一跪三叩禮。退。承祭王恭代行大饗禮如儀。

禮成。恭奉。

列聖。

列后神牌還御

後殿承祭王恭奉

文宗顯皇帝神牌。奉安於右二室左龕內居左。親王恭

奉

孝德顯皇后神牌隨行至

後殿贊禮官跪奏

孝德顯皇后祇見

文宗顯皇帝。親王跪安

孝德顯皇后神牌於拜席。代行三跪九拜禮畢。奉安

孝德顯皇后神牌於神龕內居右。均南嚮。○光緒元年。

恭奉

穆宗毅皇帝

孝哲毅皇后神牌升祔

奉先殿。豫期祇告。至日。恭奉

列聖

列后神牌於

前殿。承祭王恭奉

穆宗毅皇帝神牌。親王恭奉

孝哲毅皇后神牌。入

奉先殿左門。奉安於拜席。贊禮官跪奏祇見

列聖

列后承祭王恭代行三跪九拜禮畢奉安

神牌於

寶座各行一跪三叩禮退承祭王恭代行大饗禮如儀

禮成恭奉

列聖

列后神牌還御

後殿承祭王恭奉

穆宗毅皇帝神牌奉安於左二室左龕內居左親王恭

奉

孝哲毅皇后神牌隨行至

後殿贊禮官跪奏

孝哲毅皇后祇見

穆宗毅皇帝親王跪安

孝哲毅皇后神牌於拜席代行三跪九拜禮畢奉安

孝哲毅皇后神牌於神龕內居右均南嚮○次日。

皇帝恭詣

奉先殿行禮○七年恭奉

孝貞顯皇后神牌升祔

奉先殿豫期祇告至日恭奉

列聖

列后神牌於

前殿奉

神牌王二人豫詣

前殿恭奉

穆宗毅皇帝

孝哲毅皇后神牌。西嚮側立。承祭王恭奉

孝貞顯皇后神牌入

奉先殿左門。奉安於

孝德顯皇后之次。行一跪三叩禮。退。奉

穆宗毅皇帝

孝哲毅皇后神牌王二人以次恭奉

神牌還御

寶座各行一跪三叩禮退禮部堂官奏請

皇帝進

殿先詣

列聖

列后案前次詣

孝貞顯皇后神牌前俱行三跪九拜禮畢還宮承祭王

恭代行大饗禮如儀禮成恭奉

列聖

列后神牌還御

後殿奉安

文宗顯皇帝神牌於右二室左龕內居中。

孝德顯皇后神牌居左。承祭王恭奉

孝貞顯皇后神牌隨行至

後殿贊禮官跪奏

孝貞顯皇后祇見

文宗顯皇帝

孝德顯皇后。承祭王跪安

孝貞顯皇后神牌於拜席。代行三跪九拜禮。奉安。

孝貞顯皇后神牌於

文宗顯皇帝神牌之右。奉。

神牌王二人於

前殿祭畢時。恭奉。

穆宗毅皇帝

孝哲毅皇后神牌。以次進至

後殿西嚮側立。祇候。

孝貞顯皇后祇見禮畢。

神牌升御寢室。乃恭奉。

穆宗毅皇帝

孝哲毅皇后神牌。以次還御寢室。